

Statuts dalla Surselva romontscha (SR)

Approbai dalla radunonza da fundaziun dils 18 da mars 2006.

art. 1

Las denominaziuns da personas valan per omisduas schlatteinas.

Egualitad da schlatteina

art. 2

La Surselva romontscha (SR) ei in'uniun tenor art. 60 ss. dil Cudisch civil svizzer. L'uniun regiunala ei affiliada all'uniun tetgala dalla Romontschia, alla Lia Rumantscha.

Num

art. 3

La Surselva romontscha cumpeglia igl intschess romontsch dalla Regiun Surselva e dil Plaun. Far part dall'uniun san era personas domiciladas ella diaspora che sesentan ligiadas culla Surselva.

Territori

art. 4

Igl intent dalla Surselva romontscha ei da mantener e promover il lungatg e la cultura romontscha.

Intent

art. 5

La Surselva romontscha consista da:

- personas singulas e personas giuridicas
- vischnauncas e pleivs
- secziuns localas (cerchels culturals)
- secziuns da giuventetgna
- uniuns
- commembers d'honor

Commembradi

La contribuziun annuala per las singulas categorias vegn fixada dalla radunonza generala. Commembers che pagan buca la contribuziun annuala piardan il commembradi.

art. 6

La Surselva romontscha promova la fundaziun da secziuns localas e sestenta d'haver en mintga vitg ina persona da contact (gerau da cultura / cauvitg).

Secziuns localas e cauvitgs

art. 7

Ils organs dalla Surselva romontscha ein:

- la radunonza generala
- la suprastonza
- il revisorat

Organs

art. 8

Ils mieds finansials dalla Surselva romontscha derivan:

- dalla contribuziun annuala dalla LR
- dallas contribuziuns dils commembers

Mieds finansials

- da donaziuns

art. 9

La radunonza generala ei igl organ suprem dalla Surselva romontscha. Ella vegn convocada silmeins ina gada ad onn. La suprastonza ni 30 commembers san pretender ina radunonza generala extraordinaria.

Radunonza generala

art. 10

La radunonza generala dalla Surselva romontscha ha liug el decuors dalla primavera ed ei da comunicar els Fegls officials silmeins 15 dis avon la radunonza. Ils commembers vegnan envidai persunalmein.

Publicaziun

art. 11

Las incumbensas dalla radunonza generala ein:

- fixar la strategia dall'uniun
- fixar il program d'actividad
- eleger presidi e suprastonza
- eleger il revisorat
- eleger delegadas e delegai dalla LR
- nominar la representanza ella suprastonza dalla LR
- approbar il protocol
- approbar il rapport da gestiun ed il rendaquen
- fixar la contribuziun annuala
- nominar commembers d'honor e renconuscher merets specials

Incumbensas e cumpetenzas

art. 12

La perioda d'uffeci cuoza treis onns.

Perioda d'uffeci

art. 13

La suprastonza dalla Surselva romontscha secumpona da minimum 5 commembers.

Il president vegn eligius dalla radunonza generala, l'ulteriura suprastonza seconstituescha sezza.

Il representant dalla Surselva romontscha ella suprastonza dalla LR fa automaticamein part dalla suprastonza regionala.

Suprastonza

art. 14

La suprastonza ei igl organ executiv. Ella execuescha sia lavur tenor statuts, tenor il program da lavur. El fixescha en atgna cumpetenzza il preventiv.

Ella representa la Surselva romontscha anoviars.

Ella reparta la lavur en resorts e sa installar cumissiuns ni surdar incaricas specialas.

Incumbensas e cumpetenzas

art. 15

La suprastonza vegn convocada dil parsura tenor basegns ni sche treis commembers giavischan. Las decisiuns vegnan pridas cun maioritad sempli. La suprastonza sa envidar il menader dil center regional cun vusch consultativa allas sesidas da suprastonza.

Sesidas

art. 16

Revisorat

Il quen da gestiun vegn serraus cun la fin digl onn calendar.
Ils revisurs controlleschan l'administraziun e revedan il quen.
Els rapportan en scret alla radunonza generala.

art. 17

10 % dils commembers san inoltrar a scret ina iniziativa alla suprastonza. Quella sto vegnir tractandada alla proxima radunonza generala. Scadin commember sa recuorer tier la radunonza generala encunter ina decisiun dalla suprastonza. Iniziativa e recuors ston vegnir inoltrai silmeins treis meins avon la radunonza generala.

Iniziativa e recuors

art.18

La Surselva romontscha sa vegnir dissolvida cun 2/3 dallas vuschs dils presents cun dretg da vuschar. En cass d'ina dissoluziun duei la facultad dall'uniun vegnir deponida per 20 onns tier la LR. Renescha l'uniun ni vegn ina nova uniun cun intents paregliabels fundada duei la facultad vegnir surdada a quell'organisaziun. Cass cuntrari croda la facultad alla LR.

Dissoluziun

art. 19

Quests statuts ein vegni approbai dalla radunonza da fundaziun dalla Surselva romontscha (SR) dils 18-03-2006 a Glion.
Els remplazzan ils anteriurs statuts dalla Romania e dalla Renania ed entran en vigur cun l'approbaziun entras la LR. Per ina revisiun totala da quests statuts basegna ei la majoritad da 2/3 dils commembers che vuschan.

Vigur e revisiun

Glion, ils 18 da mars 2006

Per la Surselva romontscha:

Vreni Caprez
parsura dil gi

Martin Cabalzar
parsura dil di